

BESTELAKO XEDAPENAK

ELIKADURA, LANDA GARAPEN, NEKAZARITZA ETA ARRANTZA SAILA

4031

AGINDUA, 2025eko irailaren 16koa, Elikadura, Landa Garapen, Nekazaritza eta Arrantzako sailburuarena, irailaren 23ko 179/2014 Dekretuaren bidez araututako dirulaguntzak emateko 2025eko deialdia egiteko dena. Dekretu horren bidez, nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzak arautzen dira (Lehiatu Sustapena Programa).

Irailaren 23ko 179/2014 Dekretua nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzei buruzkoa da –Lehiatu Sustapena Programa–, eta nekazaritza-, elikagai-, arrantza- eta basogintza-produktuak EAetik kanpoko merkatuetan sustatzeko laguntzen erregimena ezartzen eta arautzen du.

Arestian aipatutako dekretuaren 9. artikulua ezartzen du bertan ezarritako laguntzak deituko direla urtero, eta artikulua horretan jasotzen diren puntu batzuk zehaztuko direla.

Deialdi hau ebazterakoan, aintzat hartuko dira administrazio publikoen dirulaguntza-jarduera arautzen duten publizitate-, lehia- eta objektibotasun-printzipioak, betiere arau hauetan xedatutakoari jarraikiz: Dirulaguntzen Araubidea Erregulatzeko abenduaren 21eko 20/2023 Legea, Dirulaguntzei buruzko azaroaren 17ko 38/2003 Lege Orokorra eta haren betearazpen-erregelamendua eta laguntzei eta dirulaguntzei aplikatu beharreko gainerako xedapenak. Gainera, diru-baliabide erabilgarriak agindu honetan ezarritako irizpideen arabera aplikatuko dira.

Laguntza horiek Ekonomiaren Garapen, Jasangarritasun eta Ingurumen Sailaren 2024., 2025. eta 2026. urteetarako Dirulaguntzen Plan Estrategikoan jasota daude –plan hori 2023ko abenduaren 28ko agindu baten bidez onartu zen–. Plana helbide honetan dago eskuragarri: <https://www.euskadi.eus/eusko-jaurlaritza/-/sail-plana/dirulaguntzen-plan-estrategikoa-ekonomiaren-garapen-jasangarritasun-eta-ingurumen-sailarena-2024-2025-eta-2026-urteetarako/>. Bestalde, programa honi jarraituz emango diren laguntzak Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzko 2023ko abenduaren 13ko Batzordearen 2023/2831 (EB) Erregelamenduan ezarritako minimis araubideari atxikita daude.

Laguntza-deialdi honek aurrekontu-zuzkidura nahikoa du, Euskal Autonomia Erkidegoko 2025eko ekitaldiko aurrekontu orokorrak onartzen dituen abenduaren 20ko 8/2024 Legeak baimendutako kredituen arabera.

Jaurlaritzari buruzko ekainaren 30eko 7/1981 Legearen 26.4 artikulua arabera, sailburuek, Jaurlaritzako kide gisa dagozkien eskumenak alde batera utzi gabe, eskudantzia dute, besteak beste, beren sailari dagozkion gaietan administrazio-xedapen orokorrak eta ebazpenak emateko.

Ondorioz, hau

EBAZTEN DUT:

Artikulu bakarra.– Irailaren 23ko 179/2014 Dekretuak araututako dirulaguntzak emateko 2025eko deialdia egitea. Dekretu horren bidez, nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzak arautzen dira –Lehiatu Sustapena Programa– (2014ko urriaren 3ko EHAA, 188. zk.).

2025eko irailaren 26a, ostirala

AZKEN XEDAPENETAKO LEHENENGOA.– Errekurtsoak.

Agindu honen aurka, berraztertze helegitea jarri ahal izango zaio Elikadura, Landa Garapen, Nekazaritza eta Arrantzako sailburuari, hilabeteko epean, agindua argitaratu eta hurrengo egunetik aurrera. Bestela, administrazioarekiko auzi-errekurtsoa jar daiteke Euskal Autonomia Erkidegoko Justizia Auzitegi Nagusiko Administrazioarekiko Auzien Salan, bi hilabeteko epean, agindua argitaratu eta hurrengo egunetik aurrera.

AZKEN XEDAPENETAKO BIGARRENA.– Ondorioak.

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteiz, 2025eko irailaren 16a.

Elikadura, Landa Garapen, Nekazaritza eta Arrantzako sailburua,
AMAYA BARREDO MARTÍN.

I. ERANSKINA

«LEHIATU SUSTAPENA PROGRAMA 2025»:

NEKAZARITZA-, ELIKAGAI-, ARRANTZA- ETA BASOGINTZA-PRODUKTUAK EUSKAL AUTONOMIA ERKIDEGOTIK KANPOKO MERKATUETAN SUSTATZEKO LAGUNTZAK

Lehenengoa.— Xedea.

1.— Agindu honen xedea da irailaren 23ko 179/2014 Dekretuak araututako dirulaguntzak emateko 2025eko deialdia egitea. Dekretu horren bidez, nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzak arautzen dira (Lehiatu Sustapena Programa).

2.— Agindu honen xede diren laguntzak erregelamendu hauetan ezarritako erregimenaren pean emango dira: Batzordearen 2023ko abenduaren 13ko (EB) 2023/2831 Erregelamendua, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoa, eta Batzordearen 2014ko ekainaren 27ko (EB) 717/2014 Erregelamendua, Europar Batasunaren Funtzionamenduari buruzko Tratatuaren 107. eta 108. artikulua arrantza- eta akuikultura-sektoreko minimis laguntzei aplikatzeari buruzkoa.

Bigarrena.— Onuradun izateko betekizunak.

1.— Agindu honen bidez egindako deialdiko laguntzen onuradun izateko, irailaren 23ko 179/2014 Dekretuaren 5. artikuluan ezarritako betekizunak eta Dirulaguntzen Araubidea Erregulatzeko abenduaren 21eko 20/2023 Legearen 13. artikuluan zehazten direnak bete behar dira. Hauek dira betekizunok:

a) Zerga-betebeharrak eta Gizarte Segurantzarekikoak egunean izatea eskatzaileek, bat etorrita Ekonomia eta Ogasuneko sailburuaren 2023ko otsailaren 13ko Aginduekin (agindu hori Euskal Autonomia Erkidegoko aurrekontu orokorren kontura ematen diren laguntzen edo dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa da).

b) Euskal Autonomia Erkidegoko Administrazioak eta Euskal Autonomia Erkidegoko sektore publikoko edozein entitatek emandako dirulaguntzak itzultzeagatiko betebeharren ordainketak egunean izatea, bat etorrita Ekonomia eta Ogasuneko sailburuaren 2023ko otsailaren 13ko Aginduekin (agindu hori Euskal Autonomia Erkidegoko aurrekontu orokorren kontura ematen diren laguntzen edo dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa da). Pertsona edo entitate eskatzaileek edo onuradunek dirulaguntzak itzultzeko betebeharren ordainketa egunean dutela ulertuko da, baldin betearazpen-epean Euskal Autonomia Erkidegoko sektore publikoko edozein entitatekin dirulaguntzak itzultzearekin lotutako zorrik ez badute, edo, premiamendu-bidea ezarri ezin zaien pertsona edo entitateen kasuan, borondatezko epean ordaindu gabeko zorrik ez badute. Era berean, pertsonak edo entitateak dirulaguntzak itzultzeko betebeharren ordainketak egunean dituztela ulertuko da zorrak geroratuta edo bermatuta daudenean, edo dagokion itzulketa-ebazpenaren aurkaratzea dela-eta horiek bertan behera uztea erabaki denean.

c) Laguntza edo dirulaguntza publikoak lortzeko aukera galtzea dakarren epai irmo batez kondenatuta ez egotea, delitu hauetakoren bat egiteagatik: prebarikazioa, funtzionario-eroskeria, ondasun publikoak bidegabe erabiltzea, influentzia-trafikoa, iruzurrak eta legearen aurkako ordainarazpenak edo hirigintza-delituak.

d) Epai irmo bidez zehatuta ez egotea eta, beraz, legeetan zehaztutakoari jarraituz dirulaguntzak lortzeko aukera galdu ez izana. Zehazki, ezingo dira dirulaguntzen onuradun edo entitate laguntzaile izan sexuan oinarrituta diskriminatzeagatik edo emakumeen eta gizonen berdintasunaren arloko araudia ez betetzeagatik administrazio- edo zigor-zehapenen bat ezarri zaien pertsona fisikoak eta juridikoak, dagokion zehapenean ezarritako denbora-tarte osoan. Halaber, laguntza eta dirulaguntzetatik kanpo geratuko dira Estatuko araudiaren arabera berdintasun-plan bat indarrean izan behar duten arren halakorik ez duten enpresak, eta, Estatuko legeriak emakumeen eta gizonen berdintasunaren esparruan finkatzen duen moduan sexu-jazarpena edo sexuan oinarritutako jazarpena prebenitzeko neurriak ezarri dituztela egiaztatzen ez duten 50 langiletik gorako enpresak.

e) Pertsona fisikoa edo juridikoa, pribatua zein publikoa izan, ez egotea zehatuta, Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legean edo Euskadiko Ingurumen Administrazioaren abenduaren 9ko 10/2021 Legean ezarritakoaren arabera, arau-hauste astun edo oso astun batengatik, administrazio-bideko ebazpen irmo baten bidez, harik eta behar diren zuzenketa-neurriak hartu eta zehapena ordaindu arte.

f) Borondatezko konkurtsoaren deklarazioa eskatu ez izana, edozein prozeduratan kaudimen-gabe deklaratura ez egotea, konkurtso-deklarazioa jaso ez izana, salbu eta horretan eraginkortasuna hartu badu hitzarmen batek, esku-hartze judizialaren mende ez egotea edo desgaituta ez egotea Konkurtso Legearen testuategina onartzen duen maiatzaren 5eko 1/2020 Legegintzako Errege Dekretuaren arabera, konkurtsoaren kalifikazio-epaian ezarritako desgaitze-aldia amaitu gabe dagoela.

g) Ez eragin izana Administrazioarekin egindako ezein kontraturen amaiera irmoa, kausaren batean errudun deklaraturia izateagatik.

h) Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak izan ez egotea lege hauek jasotako bateraezintasun-araubidearen kasuetako batean: Administrazio Publikoen Zerbitzuko Langileen Bateraezintasunei buruzko abenduaren 26ko 53/1984 Legea eta Kargu Publikodunen Jokabide Kodea eta Interes Gatazkak Arautzen dituen Eusko Legebiltzarraren ekainaren 26ko 1/2014 Legea. Edo ez izatea Hauteskunde Araubide Orokorren ekainaren 19ko 5/1985 Lege Organikoan araututako hautapenezko karguak, lege horretan edo gai horiek arautzen dituen autonomia-erkidegoko araudian ezarritako baldintzetan.

i) Ez izatea zerga-egoitza erregelamenduz zerga-paradisua gisa kalifikatutako herrialde edo lurralde batean.

j) Desgaitasuna duten pertsonentzat lege ezarritako erreserba-kuota beteta izatea, edo hori betetzeko neurri alternatiboak abian jarri izana egiaztatuta izatea.

k) Elkarleen kasuan, Elkartzeko Eskubidea arautzen duen martxoaren 22ko 1/2002 Lege Organikoko 4. artikuluko 5. eta 6. apartatuetan ezarritako debekuen kausetan nahasita ez egotea. Halaber, inskripzioa egiteko administrazio-prozedura eten ez izana ez-zilegitasun penalaren zentzuzko zantzuak egoteagatik, martxoaren 22ko 1/2002 Lege Organikoaren 30.4 artikuluan xedatutakoari jarraikiz, betiere dagokion erregistroan inskripzioa egin daitekeela dioen ebazpen judizial irmorik ematen ez den bitartean.

l) Euskal Autonomia Erkidegoko Fundazioei buruzko ekainaren 2ko 9/2016 Legeari atxikitako fundazioen kasuan, haien estatutuak lege horretan xedatutakora egokitu izana eta egokitutako estatutuak Euskal Autonomia Erkidegoko Fundazioen Erregistroan gordailutu izana.

m) 30.000 eurotik gorako dirulaguntzetarako, baldin eskatzaileak Merkataritza Eragiketetan Berankortasuna Ekiditeko Neurriak ezartzen dituen abenduaren 29ko 3/2004 Legearen aplikazio-eremuan sartutako subjektuak badira, ezingo dira onuradun izan lege horretan xedatutako ordainketa-epeak betetzen ez dituzten enpresak.

2.— Dirulaguntzen Araubidea Erregulatzeko abenduaren 21eko 20/2023 Legearen 11.4 artikuluan aurreikusitako taldeen kasuan, kide guztiek bete beharko dituzte aurreko eskakizunak.

3.— Debeku horietako ezein ez dagokiola egiaztatzeko, 1. apartatuko a) eta m) paragrafoetan ezarritakoa izan ezik, eskatzaileak erantzukizunpeko adierazpena egingo du, agindu honen III. eranskinean erantsitako ereduaren arabera. Eskatzailea nortasun juridikorik gabeko pertsona fisiko edo juridiko pribatuen talde bat denean, taldekide guztiek banan-banan sinatu beharko dute eranskin horretan jasotako adierazpena.

Elikagaien Politika eta Industriako zuzendariak noiznahi eskatu ahal izango du aurkeztu dakizkiola erantzukizunpeko adierazpenean jasotako eskakizunak betetzen direla egiaztatzen duten dokumentuak. Halaber, entitate onuradunak eman zaion dirulaguntza osoa justifikatu arte gerta litekeen edozein aldaketaren berri eman beharko du.

Erantzukizunpeko adierazpen batean jasotako edozein datu edo informazio zehatza ez bada, faltsua bada edo falta bada, edo erantzukizunpeko adierazpena aurkezten ez bada, edo adierazitakoa betetzen dela egiaztatzeko eskatzen den dokumentazioa aurkezten ez bada, ezin izango da diruz lagundutako jarduketarekin jarraitu egitate horiek jakiten diren unetik bertatik, hargatik eragotzi gabe izan litezkeen erantzukizun penal, administratibo edo zibilak.

1 a) apartatuan jasotako betekizunari dagokionez, administrazio-ziurtagirien bidez egiaztatuko da betekizun hori betetzen dela, eta, beraz, Elikagaien Politika eta Industriako Zuzendaritzak zuzenean bilduko ditu dokumentu horiek organo eskudunen eskutik. Hala ere, pertsona edo entitate interesdunak uko egin ahal izango dio zuzendaritza horrek inguruabar horiek zuzenean egiaztatzeari, eta, kasu horretan, bere kabuz aurkeztu beharko ditu kasuan kasuko ziurtagiriak.

1 m) apartatuan jasotako betebeharraren kasuan, alderdi hori agindu honen V. eranskinean ezarritako jarraibideen arabera betetzeko eskatuko du aurretiaz organo kudeatzaileak.

4.— 1 a), c), i), j), l), k) eta l) apartatuetan ezarritako betekizunek bere horretan jarraituko dute kasu bakoitzean zehaztutako inguruabarrek irauten duten bitartean.

5.— Halaber, Emakume Nekazarien Estatutuari buruzko urriaren 15eko 8/2015 Legearen 19.3 artikulua arabera, nekazaritzaren arloan eskumena duten EAEko administrazioek ez diete laguntzarik ez dirulaguntzarik emango nekazaritzaren arloan jarduten duten profesionalen, enpresaburuen, sindikatuen edo bestelakoen elkarte edo antolakundeei, zuzendaritza-organoetan emakumeen presentzia orekatua, gutxienez, ez badute.

Hirugarrena.— Eskabideak aurkezteko epea, eskabide-eredua eta dokumentazioa.

1.— 2025eko ekitaldirako, hilabetekoa izango da 179/2014 Dekretuak aurreikusitako laguntza-deialdiko eskabideak aurkezteko epea, agindu hau Euskal Herriko Agintaritzaren Aldizkarian argitaratu eta hurrengo egunetik hasita.

2.— Agindu honen III. eranskinean dago jasota laguntza hau eskatzeko inprimakiaren edukia.

3.— Eskatzaileek, laguntza-eskabidearekin batera, agindu honen IV. eranskinean adierazitako dokumentazioa aurkeztu beharko dute. Dekretu arautzailearen 8.3.c) artikuluan adierazten den

memoria xehatua egiteko, oinarri honen 5. apartatuan adierazitako web-helbideko «fitxa-txostena» bete beharko da.

Hirugarrenen alta elektronikoki izapidetu daiteke dagokion zerbitzuaren bidez, baita egoitza elektronikoa ere, helbide honetan: <https://www.euskadi.eus/hirugarrenak/>

4.– Eskabideak Euskal Autonomia Erkidegoko Administrazio Publikoaren egoitza elektronikoa sartuta aurkeztuko dira, oinarri honen 5. apartatuan adierazitako helbideen bidez.

5.– Eskabideak, erantzukizunpeko adierazpenak, justifikazioak eta gainerako ereduak kanal elektronikoz izapidetzeko zehaztapenak <https://www.euskadi.eus/servicios/0082210> helbidean eskuratu daitezke. Eskaera-inprimakia ere helbide horretan eskuratu ahal izango da.

6.– Eskabidearen ondorengo izapideak, jakinarazpenak barne, Euskal Autonomia Erkidegoko Administrazio Publikoaren egoitza elektronikoko «Nire karpeta»ren bidez egingo dira: <https://www.euskadi.eus/nirekarpeta>

7.– Helbide honetan daude zehaztuta Euskal Autonomia Erkidegoko Administrazio Publikoaren egoitza elektronikoa onartutako identifikazio eta sinadura elektronikorako bitartekoak: <https://www.euskadi.eus/ziurtagiri-elektronikoak>

8.– Eskaera ordezkari baten bitartez egiten bada, Administrazio Publikoen Administrazio Prozedura Erkidearen urriaren 1eko 39/2015 Legearen 5. eta 6. artikuluetan xedatutakoaren arabera egiaztatu beharko da ordezkaritza. Ildo horretan, eta agindu honen esparruan, ordezkaritza egiaztatuta dago Euskal Autonomia Erkidegoko Administrazio Publikoaren ordezkarien erregistro elektronikoa inskribatuta badago (<https://www.euskadi.eus/ordezkarrien-erregistro-elektronikoa/web01-sede/eu/>). Ordezkaritza erregistro horretan inskribatuta ez badago, borondatezko ordezkaritza emateko inprimaki normalizatua betez (<https://www.euskadi.eus/eusko-jaurkitza/-/eskabidea/borondatezko-legezko-ordezkaritza-egilestea-inprimaki-normaldua/>) edo zuzenbidean onartutako beste edozein modutara egiaztatu beharko da ordezkaritza.

9.– Prozedura-eskuliburua onartzen da. Liburu hori eskuragarri egongo da <https://www.euskadi.eus> web-orrian, eta agindu honen II. eranskinean argitaratzen da.

10.– ETEek beren izaera egiaztatu beharko dute, agiri hauek aurkeztuta:

– Pertsona fisikoen kasuan: pertsona fisikoen errentaren gaineko zergaren kopia, ekonomia-jardueren eranskinarekin batera, eskaera aurkeztu aurreko ekitaldikoa.

– Pertsona juridikoen kasuan: sozietateen gaineko zergaren kopia bat, eskabidea aurkeztu aurreko ekitaldikoa. Agiri horri, adierazpen bat erantsi beharko diote, dokumentazioak erakusten duen egoerak bere horretan segitzen duela dioena.

11.– Zuzendaritza kudeatzailearen zerbitzu teknikoek automatikoki egiaztatuko dute –hala dago-kionean– onuradunak zerga-betebeharrak eta Gizarte Segurantzarekikoak egunean dituela, baita NANA, erroldatzea eta bizileku-baimena ere. Hala ere, eskatzaileak aurka egin ahal izango dio egiaztapen horri, eta, hala egiten badu, eskatzen zaion dokumentazioa aurkeztu beharko du, betiere Administrazio Publikoen Administrazio Prozedura Erkidearen urriaren 1eko 39/2015 Legearen 28.2 artikuluan xedatutakoaren arabera.

12.– Eskatutako dokumentazioa administrazio honetan edo beste batean entregatu denean eta eskatzaileak espresuki deklaritzen badu dokumentu horietan ez dela aldaketarik egin, aurkeztutzat joko dira, bat etorri Administrazio Publikoen Administrazio Prozedura Erkidearen urriaren 1eko 39/2015 Legearen 28.3 artikuluan ezarritakoarekin. Eskatzaileak adierazi beharko du zein

administraziotan aurkeztu diren eta zein unetan aurkeztu diren. Hala eta guztiz ere, eskatzaileak modu arrazoituan egin diezaioke uko horri, eta, hala egiten badu, dagokion ziurtagiria edo eskatutako agiria aurkeztu beharko du.

13.– Laguntza jasotzeko eskabidea eta eskatutako agiriak nahi den hizkuntza ofizialean aurkeztu ahal izango dira. Gainera, laguntzen eskaeraren ondoriozko jardueretan eta prozedura osoan zehar, entitate eskatzaileak aurkezten duen hizkuntza erabiliko da, Euskararen Erabilera Normalizatzeko azaroaren 24ko 10/1982 Legearen arabera.

Laugarrena.– Onuradunen betebeharrak.

Agindu honetan jasotako laguntza-deialdiaren onuradunek behar bezala bete beharko dituzte, irailaren 23ko 179/2014 Dekretuaren 15. artikuluan ezarritako betebeharez gain, Dirulaguntzen Araubidea Erregulatzeko abenduaren 21eko 20/2023 Legearen 14. artikuluan jasotako betebeharrak ere. Honako hauek dira:

a) Emandako laguntza onartzea. Ildo horretan, laguntza eman izanaren jakinarazpena jaso eta hamabost eguneko epean onuradunak laguntzari beren-beregi uko egiten ez badio, onartutzat joko da.

b) Dirulaguntza eman izanaren oinarrian dagoen helburua bete, jarduera egin, proiektua gauzatu edo jarrera hartzea.

c) Elikadurako eta Landa Garapeneko sailburuordeari justifikatzea dirulaguntza emateko bete beharrekoa: eskakizunak eta baldintzak betetzea eta jarduera gauzatzea. Jarduera pertsonei buruzkoa bada, sexuaren arabera bereizitako datuak eman beharko dira.

d) Elikadurako eta Landa Garapeneko Sailburuordetzaren zein Elikadura, Landa Garapen, Nekazaritza eta Arrantza Sailaren Zerbitzu Zuzendaritzaren esku (baita Europar Batasunaren esku ere) jartzea inbertsioa edo gastuak egin direla frogatzeko behar diren agiri guztiak.

e) Kontrol Ekonomikoko Bulegoari eta Herri Kontuen Euskal Epaitegiari, agindu honen kontura jasotako laguntzen zertarakoa fiskalizatzeko eginkizunen barruan, eskatzen dieten informazio guztia ematea.

f) Elikadurako eta Landa Garapeneko Sailburuordetzari idatziz jakinaraztea, hala badagokio, helburu bererako beste dirulaguntza eta laguntza batzuk jaso dituztela beste administrazio edo ente publiko nahiz pribatu batzuetatik, horren berri izan bezain laster, eta, edonola ere, jasotako funtsei emandako erabilera justifikatu aurretik edo une horretan bertan.

g) Elikadurako eta Landa Garapeneko Sailburuordetzari jakinaraztea dirulaguntza emateko kontuan hartu den edozein inguruabar objektibo edo subjektibo aldatu dela, horren berri izan bezain laster, eta, edonola ere, jasotako funtsei emandako erabilera justifikatu aurretik edo une horretan bertan.

h) Egiatzatzea, emate-ebazpena proposatu baino lehen eta hura ordaintzeko unean, egunean dituela hala zerga-betebeharrak eta Gizarte Segurantzarekikoak nola dirulaguntzak itzultzeari buruzkoak, Ekonomia eta Ogasuneko sailburuaren 2023ko otsailaren 13ko Aginduan xedatutakoari jarraikiz (agindu hori Euskal Autonomia Erkidegoko aurrekontu orokorren kontura ematen diren laguntzen eta dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa da).

i) Merkataritza legeriak eskatutako terminoetan, behar bezala ikuskatutako kontabilitate-liburuak, erregistro izapidetuak eta gainerako dokumentu guztiak izatea, eta finantzatutako inbertsioarekin

lotutako inbertsio eta gastu guztietarako aparteko kontabilitate sistema bat edo kontabilitate-kode egoki bat mantentzea, araudiak finkatzen dituen kontrolak egin ahal izateko, onuradunaren izaera juridikoak hala eskatzen badu.

j) Jasotako funtsak zertan erabili diren justifikatzen duten dokumentuak gordetzea, dokumentu elektronikoak barne, haien egiaztapena eta kontrola egiteko eska daitezkeen bitartean.

k) Gastuei eta diruz lagundutako jarduerari buruz ematen den informazio edo publizitate guztian, argiki jasotzea Eusko Jaurlaritzaren funtsekin finantzatu direla jarduerok, Eusko Jaurlaritzaren erakunde-nortasunaren eskuliburua arautzen duen abuztuaren 31ko 318/1999 Dekretuan xedatuarekin bat.

l) Jasotako funtsak edo gauzaturiko jarduerarako nahiz jarduketarako emandako dirulaguntza-ren kostuaren gaineko soberakina itzultzea, Dirulaguntzen Araubidea Erregulatzeko abenduaren 21eko 20/2023 Legearen 36. artikuluan jasotako kasuetan.

m) Hizkerak eta irudiek ikuspegi intersektzionala errespetatzea eta, batez ere, sexu- eta genero-ikuspegia kontuan hartzea, dirulaguntza jasoko duen jarduerak edo proiektuak eskatzen dituen dokumentu eta material guztietan.

n) Diruz lagundutako jarduerarekin zerikusia duten argitalpenetan, iragarkietan eta publizitatean herritarren hizkuntza-eskubideak eta, bereziki, euskararen erabilera bermatzea.

o) Enpresa ez deslokalizatzeko konpromisoa hartzea, Dirulaguntzen Araudia Erregulatzeko abenduaren 21eko 20/2023 Legearen 49. artikuluan ezartzen den moduan.

p) Gainfinantzaketarik ez eragiteko konpromisoa hartzea.

q) Dirulaguntzen Araubidea Erregulatzeko abenduaren 21eko 20/2023 Legearen 14. eta 42. artikuluan ezarritako betebeharrak betetzea.

Bosgarrena.— Aurrekontu-zuzkidura.

Euskal Autonomia Erkidegoko aurrekontu orokorren konturako aurrekontu-kredituak, deialdi honetarako, bostehun mila (500.000) eurokoak dira.

Seigarrena.— Onuradun bakoitzari gehienez emango zaion laguntza zenbatekoa.

Onuradunei, gehienez ere, hoge mila (20.000) euroko laguntza emango zaie dekretu arautzaileen 6. artikuluko 1A apartatuan xedatzen diren ekintza indibidualetarako, eta berrogeita hamar mila (50.000) eurokoa, agindu arautzaile horren 1B apartatuan zehaztutako sustapen-programetarako.

Nolanahi ere, aintzat hartuko dira Europar Batasunaren Funtzionamenduari buruzko Tratatuaren 107. eta 108. artikuluko minimis laguntzei aplikatzeari buruzko 2023ko abenduaren 13ko Batzordearen (EB) 2023/2831 Erregelamenduan ezarritako laguntzen gehieneko zenbatekoak. Araubide horren arabera, estatu kide batek enpresa jakin bati emango dion minimis laguntzen zenbatekoa gehienez ere 300.000 eurokoa izango da hiru urteko edozein alditan. Era berean, kontuan hartuko da arrantza eta akuikulturaren arloan minimis laguntzei Europar Batasunaren Funtzionamenduari buruzko Tratatuaren 107. eta 108. artikuluko aplikatzeari buruzko 2014ko ekainaren 27ko (EB) 717/2014 Erregelamenduan (Europako Batzordearen 717/2014 Erregelamendua, 2014ko ekainaren 27koa) jasotzen den gehieneko zenbatekoa, zeina 40.000 eurokoa baita hiru ekitaldi fiskaleko epean.

Zazpigarrena.— Diruz lagundu daitezkeen ekintzak.

1.— Eskabideak sustapen-programatzat joko dira, baldin eta ondorengo ekintza indibidualetako sei edo gehiago jasotzen badituzte eta ekintza horiek hiru herrialde desberdinetan edo gehiagotan egiten badira; bestela, ekintza indibidualtzat joko dira.

2.— Dirulaguntza-deialdi honetan, programa eta ekintza hauek sartu ahal izango dira:

A) Ekintza indibidualak. Jarduera hauek hartzen dira ekintza indibidualtzat:

i) Erakusketari gisa parte hartzea izaera profesionaleko nazioarteko azoketan edo merkataritza-lehiaketetan, merkataritza-jarduerak garatzeko, produktuak erakutsiz erakustoki indibidual edo partekatuetan.

ii) Azoketara joatea: eskatzaileak bisitaldiak egitea profesionalei zuzendutako nazioarteko azoketara.

iii) Zuzeneko misioak egitea eta atzerriko merkatuetan produktuak aurkeztea; hau da, enpresa eskatzailearen produktuak aurkezteko edo dastatzeko ekintzak egitea, atzerriko merkatu horietan merkataritza-harremanak areagotzeko eta produktuen esportazioa handiagotzeko.

iv) Alderantzizko misioak egitea: atzerriko erosleei edo iritzi-emaleei gonbidapena egitea enpresen ekoizpen-establezimenduetan bisitaldiak egin ditzaten; Euskal Autonomia Erkidegoan bakarrik egingo dira bisitaldi horiek.

v) Estatutik kanpoko merkatuetako salmenta-puntuetan sustapen-ekintza zehatz eta espezifikoak egitea, produktuaren publizitatea eginez eta hura dastatzeko aukera emanez, kontsumitzailearen oniritzia lortzeko.

vi) Ikus-entzunezko katalogoak eta materialak: enpresaren irudiari eta produktuei buruzko dibulgazio-materialak egitea, gutxienez atzerriko hizkuntza batean.

B) Sustapen-programak:

Sustapen-programetan, plan edo programa integral bat prestatu behar da, A apartatuan aurreikusitako ekintza indibidualen artetik gutxienez sei jarduera burutzeko, hiru herrialdetan. Kanpoan geratzen da enpresatik kanpoko zerbitzu profesionalak kontratatzea, eskatzailearen produktuak sustatzeko programa garatzeko aholkularitza emateko.

3.— Ez da dirulaguntzarik emango azoketan parte hartzeko, baldin eta azoka horietan erakustoki bat jarri badu Elikadura, Landa Garapen, Nekazaritza eta Arrantza Sailak, edo Merkataritza, Industria eta Nabigazioko Ganberek, edo kanpoko merkatuan enpresei laguntza finantzarioa ematen dieten antzeko organismoek, eta EAEko enpresei azoka horietan parte hartzeko tokia eskaini bazaie. Hala ere, dirulaguntzak jaso ahal izango dituzte aipatutako entitateei azoketan tokia eskatu baina baiezko erantzunik jaso ez duten enpresek. Kanpoan geratuko dira azokan parte hartzearekin zerikusia duten eta dirulaguntza jaso duten gastuak.

4.— Dirulaguntza honen xede-jarduerak 2025eko ekitaldian egikaritu beharko dira.

Zortzigarrena.— Guztizko zenbatekoa, eremu geografikoaren arabera.

Joan-etorrietarako, ostaturako eta mantenurako gastuei dagokienez, hauek dira jarduera bakoitzaren gehieneko zenbateko osoak, eremu geografikoaren arabera banatuta:

1.— Euskal Autonomia Erkidegoa eta Estatuko gainerako tokiak: bi mila (2.000) euro.

2.– Europa: hiru mila eta bostehun (3.500) euro.

3.– Amerika, Afrika, Asia eta Ozeania: bost mila (5.000) euro.

Jarduera bat hainbat datatan edo merkatutan egiten bada, banaka zenbatuko da, adierazitako gehieneko zenbatekoa aplikatzeko.

Bederatzigarrena.– Eskumena.

Abenduaren 21eko 20/2023 Legean, Dirulaguntzen Araubidea Erregulatzekoan, agindutakoaren arabera, dirulaguntza-prozedura honen organo kudeatzailea Elikagaien Politika eta Industriako zuzendaria da; bestalde, Elikadura eta Landa Garapeneko sailburuordearen eskumena da dirulaguntza ebaztea. Organo horren eskumena da, halaber, itzultze-prozedura ebaztea; azkenik, Elikagaien Politika eta Industriako zuzendariari dagokio espedientea hastea eta izapidetzea.

Hamargarrena.– Prozedura.

1.– Kudeatzeko eskumena duen organoak ofizioz egingo ditu datuak zehaztu, ezagutu eta egiaztatzeko egin beharrekotzat jotzen dituen jarduketa guztiak, gero datu horietan oinarrituz ebazpen-proposamenak egiteko.

2.– Eskabideak ebaluatu ondoren, 179/2014 Dekretuaren (irailaren 23koa, nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzei buruzkoa –Lehiatu Sustapena Programa–) 12.2 artikuluan aipatzen den kide anitzeko organoak txostena egin beharko du, egindako ebaluazioaren emaitza zehazteko.

3.– Espedientea eta kide anitzeko organoaren txostena ikusita, Elikagaien Politika eta Industriako zuzendariak ebazpen-proposamena egingo du, behar bezala arrazoituta. Bertan, hauek zehaztu beharko dira: eskatzaileen zerrenda, dirulaguntza nori ematea proposatzen den, eta bakoitzari dagokion zenbatekoa eta horri buruzko ebaluazioa.

Proposamen hori behin betikoa izango da, Dirulaguntzen Araubidea Erregulatzeko abenduaren 21eko 20/2023 Legearen 21. artikulua 3. apartatuan xedatutakoaren arabera, hurrengo apartatuan xedatutakoa alde batera utzi gabe.

4.– Prozeduran interesdunek adierazitakoez bestelako egitateak, alegazioak eta frogak ageri badira, edo kontuan hartzen badira, ebazpen-proposamen hori behin-behinekoa izango da, eta interesdunei jakinaraziko zaie, hamar eguneko epea emanda alegazioak aurkezteko. Alegazio horiek aztertuta, behin betiko ebazpen-proposamena egingo da.

5.– Ebazpen-proposamen behin-behinekoak eta behin betikoak ez diote inolako eskubiderik ematen proposatutako onuradunari Administrazioaren aurrean, eta balizko behin-behineko ebazpen-proposamenek ere ez dute eskubiderik sortuko.

6.– Dirulaguntzak emateko espedientean Elikagaien Politika eta Industriako zuzendariaren txostena egongo da, eta txosten horretan jasota geratuko da organo kudeatzailearen esku dagoen informazioaren arabera onuradunek betekizun guztiak betetzen dituztela dirulaguntzak jasotzeko.

Hamaikagarrena.– Ebazpena.

1.– Prozedura ebazteko eta ebazpena jakinarazteko gehieneko epea sei hilabetekoa izango da, deialdi-agindu hau argitaratu eta hurrengo egunetik aurrera zenbatzen hasita. Dirulaguntzen Araubidea Erregulatzeko abenduaren 21eko 20/2023 Legearen 22.5 artikulua xedatzen duenaren arabera, gehieneko epe hori igaro eta ebazpena jakinarazi ez bada, interesdunek administrazioaren isiltasunez ezetsitzat jo beharko dute dirulaguntza emateko eskabidea.

2.– Laguntzak esleitzeko ebazpenean, laguntza esleitu zaien hautagaien zerrenda identifikatuko da, haien puntuazioa adierazita, baita baztertutako eskatzaileen zerrenda ere, eta baztertzea eragin duten arrazoiak adieraziko dira.

Era berean, honako hauek jaso beharko ditu: ordainketaren xedea eta zenbatekoa, ordaintzeko modua eta epeak, justifikatzeko modua, zein xedapenetan oinarrituta eman den, eta dirulaguntza arautzen duten oinarriek eskatzen dituzten gainerako baldintzak eta betekizunak.

3.– Ebazpena Euskal Herriko Agintaritzaren Aldizkarian argitaratuko da, eta argitalpenak jakinarazpen-ondorioak izango ditu, Administrazio Publikoen Administrazio Prozedura Erkidearen urriaren 1eko 39/2015 Legearen 45. artikuluari jarraikiz.

Argitaratzeaz gain, interesdun bakoitzari ebazpen osoa banan-banan jakinaraziko zaio, eta kasuan kasuko pertsonari berariaz eragiten dioten alderdiak identifikatuta agertuko dira.

4.– Elikadura eta Landa Garapeneko sailburuordeak emandako prozedura-ebazpenak ez dio administrazio-bideari amaiera ematen. Administrazio Prozeduraren urriaren 1eko 39/2015 Legearen 121. eta 122. artikuluetan xedatutakoaren arabera, interesdunak gora jotzeko errekurtsua aurkeztu ahal izango du haren aurka, hilabeteko epean, ebazpena eman eta hurrengo egunetik aurrera zenbatzen hasita, bai ebazpena eman duen organoaren aurrean, bai Elikadura, Landa Garapen, Nekazaritza eta Arrantzako sailburuaren aurrean; azken horrek ebatziko du errekurtsua.

Hamabigarrena.– Justifikazioa.

1.– Betearazitako gastuak justifikatzeko, dokumentu hauek aurkeztu beharko dira:

– Fakturen eta ordainketen Excel fitxategia.

- Eginiko jarduera bakoitza justifikatzeko fitxa-txostenak.
- Eginiko gastuen fakturak eta ordainketa-ziurtagiriak.
- Jarduerak egin direla frogatzen duten euskarri-dokumentuak.

Eranskin honen hirugarren oinarriaren 5. puntuan adierazitako helbidean jasota dauden jarraibideen arabera aurkeztuko da gastuen justifikazioa.

2.– Egingako gastuak justifikatzeko azken eguna 2026ko urtarrilaren 16a izango da.

Hamahirugarrena.– Bateriaezintasuna.

Irailaren 23ko 179/2014 Dekretuaren 24. artikuluan xedatutakoaren arabera, dekretu horretan araututako eta agindu honen bidez deitutako laguntza bateragarria da beste edozein entitate publiko zein pribatuk xede bererako emandako beste edozeinekin, baldin dirulaguntza guztien baturak ez baditu gainditzen 11. artikulua egoera bakoitzerako ezarritako gehieneko ehunekoak. Muga hori gaindituz gero, programa honen babespean emandako laguntzari kendu egingo zaio gaindikinari dagokion zenbatekoa.

Aurreko paragrafoetan xedatutakoa gorabehera, agindu honetan aurreikusitako laguntza ezingo da bat etorri ardoa sustatzeko laguntzekin, zeinak ezartzen baitira Europako Parlamentuaren eta Kontseiluaren 2021/2115 (EB) Erregelamenduaren 58. artikulua aplikatuz, eta urriaren 25eko 905/2022 Errege Dekretuaren 2. artikuluekin –dekretu horren bidez, mahastizaintzako eta ardogintzako esku-hartze sektoriala arautzen da–; era berean, ezingo da bat etorri beste laguntza batzuekin, laguntza horiek espresuki hala ezartzen badute.

Hamalagarrena.— Datuen babesa.

Agindu hau aplikatuta biltzen diren datu pertsonalak Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoan eta gainerako lege aplikagarrietan xedatutakoaren arabera tratatuko dira.

Datuak babesteari buruz informazio gehiago lortzeko, jo helbide honetara: <https://www.euskadi.eus/informazio-klausulak/web01-sedepd/eu/gardentasuna/065100-cap1-eu.shtml>

II. ERANSKINA

NEKAZARITZA-, ELIKAGAI-, ARRANTZA- ETA BASOGINTZA-PRODUKTUAK EAE-TIK KANPOKO MERKATUETAN SUSTATZEKO LAGUNTZAREN GASTUAK KUDEATU ETA JUSTIFIKATZEKO ESKULIBURUA

Irailaren 23ko 179/2014 Dekretuaren babespean egin da eskuliburu hau. Dekretu horretan, nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzen erregimena ezarri eta arautzen da.

Laguntza hauen helburua da Euskal nekazaritza-, elikagai-, arrantza- eta basogintza-produktuei laguntzea, Euskal Autonomia Erkidegotik kanpoko merkatuetan egon daitezen. Nekazaritza- eta elikagai-industriaren ekoizpen- eta merkataritza-egiturek gaitasuna dute lehen sektoreko lehengaien eraldaketatik sortutako produktuak merkaturatzeko. Laguntza hauen bidez, indartu egingo da onuradunek kanpoko merkatuetan egiten duten sustapen-lana, bai beste merkatu batzuetara zabaltzeko daitezkeen, bai egun duten presentzia sendotu dadin.

Elikadura, Landa Garapen, Nekazaritza eta Arrantza Saileko Elikagaien Politika eta Industriako Zuzendaritzak dauka eskabideak izapidetzeko ardura, eta, proiektuen balorazioa egiteko, balorazio-batzorde bat eratuko da. Aurkeztutako eskabideak eta agiriak aztertu ondoren, balorazio-batzordeak egiten duen proposamena ikusirik, Elikagaien Politika eta Industriako zuzendariak emango du deialdiaren ebazpena, eskatutako laguntzak eman ala ez ebazteko; ebazpen bakarra emango du.

Neurri honetara bideratutako funtsak behar bezala kudeatzeko, funtsezkoa da laguntzaren onuradunek laguntza emateko baldintzen berri izatea, bai eta laguntzen hartzaile gisa hartzen dituzten erantzukizunak ezagutzea ere.

Dirulaguntza emanda, onuradunak bereganatu egingo du diruz lagundutako sustapen-jarduerak aurrera eramateko erantzukizuna; era berean, bere egingo du ekintza horiek egin direla eta ezarritako baldintzak bete direla egiaztatzen duten frogak aurkezteko erantzukizuna. Horrela, bada, alderdi horiek behar bezala ez justifikatzeak ekintza ez egiteak dakartzan ondorio berak ekarriko ditu.

Ondoren, orientabide gisa, kasu bakoitzean aurkeztu beharreko egiaztagiria daude adierazita. Helburua da laguntza jasotzen dutenei orientabideak ematea diruz lagundu daitezkeen gastuak behar bezala justifikatzeko orduan.

Aukeratu daitezkeen gastu ohikoenak eta haien egiaztapena:

Gastu mota	Egiaztagiria	Egin beharreko egiaztapena	Aukeratu daitezkeen zenbatekoa
Aukeratu daitezkeen edozein sustapen-gastu fakturatu.	Emandako zerbitzuen faktura zehaztua edo, fakturan ez bada gastuen zehaztapenik azaltzen, eskainitako zerbitzuak behar bezala banakatuta agertzen diren aurrekontua.	Jaulkitze-data. Faktura-zenbakia. Jaulkitzailearen eta onuradunaren izen soziala eta IFZa. Egindako gastuen deskribapena Gastuen aleko zenbatekoak. BEZaren zehaztapena.	Fakturaren zenbatekoa, BEZa kanpoan dela. (Ikusi 1. oharra)

2025eko irailaren 26a, ostirala

Gastu mota	Egiaztagiriak	Egin beharreko egiaztapena	Aukeratu daitekeen zenbatekoa
Lekualdatze nagusia, enpresaren egoitza sustapen-ekitaldia izango den tokiraino (hegaldia, tren, autobusa, alokairuko autoa, norberaren autoa, taxia eta parkinga).	Bidaia-agentziaren, aire-konpainiaren eta abarren faktura. Bidaia-txartela edo ontziratze/hegazkineratzeko txartela. Auto partikularren kasuan, norberak egindako gastuen kontua, gasolindegiko tiketak, autobideko tiketak eta abar aurkeztuta.	Faktura (ikusi fakturatutako edozein gastu). Bidaia datak jardueraren datekin bat etortzea. Turista-klaseko txartelak bakarrik izango dira diruz laguntzekoak. Ontziratze/hegazkineratzeko txartelaren datuak. Langile propioak edo sustapen-lanetarako kontratatutako enpresako langileak bakarrik (izaera hori justifikatuta).	Txartelaren edo fakturen zenbatekoa (jaulkipen-gastuak barne). Norberaren kotxearekin egindako joan-etorrietan 0,29 euro/km ordainduko da, eta gehienez ere 500 euro.
Ostatua (gosaria barne).	Hotelaren/agentziaren faktura, honako hau adierazita: Hotela Ostatu-hartzaileen izena Gela mota Ostatu-erregimena Egonaldiaren egunak Zenbatekoa, ostatu-hartzaile bakoitzeko BEZaren zehaztapena	Faktura (ikusi fakturatutako edozein gastu). Egonaldiaren datak jardueraren datekin bat etortzea. Langile propioak edo sustapen-lanetarako kontratatutako enpresako langileak bakarrik (izaera hori justifikatuta).	Fakturaren zenbatekoa, eta gehienez ere: 120 euro/pertsona eta eguneko Espainian, eta 180 euro/pertsona eta eguneko Espainiatik kanpo.
Mantenua (bertan sartzen dira jatekoak, tokiko garraioa, telefonoa, Internet, garbitegia, logelako edaritegia, etab.). (Dieta eskatzen bada, ezin da eskatu pertsona horren otordu kolektiboaren zenbatekoa)	Joan-etorriko txartelak. Egindako gastuen fakturak edo kuxako tiketak, gastuen ezaugarrien arabera. Ekitaldiaren tokian eta programatutako egunetan bertan egon izana ziurtatzen duen beste edozein agiri. Hala badagokio, dietak sortzen dituen pertsonak enpresarekin daukan harremana egiaztatzen duen lan-kontratua edo bestelako dokumentu bat.	Ekintzaren egunekin bat datozen egonaldi-egunak, joan-etorriko egunak barnean direla. Langile propioak bakarrik.	Oroharreko dieta, eta gehienez ere: 80 euro pertsonako eta eguneko Espainian, eta 90 euro pertsonako eta eguneko Espainiatik kanpo. Dietak ekintza egiteko behar den egun kopurua baino ez du hartuko.
Otordu kolektiboak, langile anfitrioi propioak barnean direla.	Emandako zerbitzuen faktura zehaztua edo kuxako tiketa. Parte-hartzaileen zerrenda, sustapen-jarduerarekin daukaten lotura eta bileraren helburua.	Faktura (ikusi fakturatutako edozein gastu). Janariaren koherentzia diruz lagundutako jarduerarekin.	Fakturaren zenbatekoa, eta gehienez ere: 60 euro/pertsona eta eguneko Espainian, eta 70 euro/pertsona eta eguneko Espainiatik kanpo.
Azoketan parte hartzearen edo azoketara joatearen ondoriozko gastuak (inskripzioa edo parte hartzeko kanona, kameren edo erakustaltzarien alokairua, kopen alokairua eta abar).	Emandako zerbitzuen faktura zehaztua edo agiri baliokidea. Organismo ofizialen bidez beste batzuekin elkartuta parte hartuz gero, organismo ofizialaren ziurtagiria. Erakustokiaren argazkiak edo bideoa.	Faktura (fakturatutako edozein gastu ikusi) edo agiri baliokidea. Ziurtagiriaren datuak. Erakustokiaren onespina.	Fakturaren zenbatekoa, BEZa kanpoan dela, salbu eta berreskuragarria ez bada. (ikusi 1. oharra) Beste batzuekin elkartuta parte hartzen den kasuan, ordezkaritza-kanona.

2025eko irailaren 26a, ostirala

Gastu mota	Egiaztagiriak	Egin beharreko egiaztapena	Aukeratu daitekeen zenbatekoa
Aretoen, ikus-entzunezko ekipoen eta abarren alokairua.	Hala badagokio, alokairu-kontratua. Eskainitako zerbitzuen faktura zehaztua.	Kontratuaren datuak. Faktura (ikusi fakturatutako edozein gastu).	Fakturaren zenbatekoa, BEZa kanpoan dela. (ikusi 1. oharra)
Estatutik kanpoko merkatuetako sustapena egiteko gastuak. Kanpoan geratzen da publizitatea eta merchandisinga.	Eskainitako zerbitzuen faktura zehaztua. Eskaneatutako sustapen-materiala edo eginiko publizitatea. Sustapen-jardueretarako laginik bidaliz gero, sustapen-material gisa erabilitako produktuaren produkzio-kostuaren balorazioa, produktuaren balioa egiaztatzen duten agiriak eskainita; esate baterako, kontratuen edo fakturen kopiak, non pertsona edo enpresa banatzaileari zenbatean saldu zaion azaltzen den.	Faktura (ikusi fakturatutako edozein gastu).	Sustapen-material gisa erabilitako produktuaren kostu justifikatua.
Gutxienez atzerriko hizkuntza batean egindako katalogoak eta ikus-entzunezko materialak (katalogoak, eskuorriak, kartelak, etab.). Webguneak	Eskainitako zerbitzuen faktura zehaztua. Eskaneatutako sustapen-materiala Webaren esteka	Faktura (ikusi fakturatutako edozein gastu). Erabilitako sustapen-materialarekiko adostasuna.	Fakturaren zenbatekoa, BEZa kanpoan dela. (ikusi 1. oharra)

1. oharra: BEZa diruz laguntzeko moduko gastua izango da, baldin eta onuradunak ordaintzen badu eta ez bada berreskuratzea edo konpentsatzekoa. Horretarako, onuradunaren merkataritza-peritu batek edo legezko auditore batek egiaztatu beharko du ordaindutako zenbatekoa ez dela berreskuratu, eta gastu modura jaso dela onuradunaren kontabilitatean.

III. ERANSKINA

ESKABIDEA EGITEKO INPRIMAKIAREN EDUKIA (LEHIATU SUSTAPENA)

Oinarrizko eremuak:

- Titularra.
- Identifikazio-agiriaren mota.
- Nortasun-agiriaren zenbakia.
- Izen-abizenak eta sexua (pertsona fisikoek soilik).
- Entitatearen izena (pertsona juridikoek soilik).
- Helbidea.
- Lurraldea.
- Telefonoak, helbide elektronikoa.
- Harremanetarako pertsona.
- Legezko ordezkaria, izen-abizenak, telefonoa eta NANA.
- Jakinarazpen- eta komunikazio-bidea.
- Jakinarazpenetarako hizkuntza.
- Diruz lagundu daitezkeen ekintza motak:
 - Banakako ekintzak.
 - Sustapen-programak.
- Sustapen-proiektua, izenburua.
- Sustapen-gastuak, BEZik gabe.

Eremu osagarriak; erantzukizunpeko adierazpenak:

– Egiazkoak eta dauden guztiak direla eskabide honetako datuak eta aurkezten dutan dokumentazioa, eta neure gain hartzen dut horrek dakarren erantzukizuna.

– Betetzen dituela Elikadura, Landa Garapen, Nekazaritza eta Arrantzako sailburuaren aginduan ezarritako eskakizunak (agindu hori irailaren 23ko 179/2014 Dekretuaren bidez araututako dirulaguntzak emateko 2025eko deialdia egiteko da eta, dekretu horren bidez, nekazaritza-, elikagai-, arrantza- eta basogintza-produktuak Euskal Autonomia Erkidegotik kanpoko merkatuetan sustatzeko laguntzak arautzen dira –Lehiatu Sustapena Programa–), eta badaukala hori egiaztatzen duen dokumentazioa, zeina Administrazioaren eskura jarriko baitu hala eskatzen zaionean; eta, halaber, aurreko betebeharrak betetzeko konpromisoa hartzen du laguntza-eskubidea aitortzeak dakarren aldi osoan.

– Ez dutela zigortu, epai irmo bidez, dirulaguntzak edo laguntza publikoak lortzeko aukera galtzera, edo ez dutela zigortu prebikazioa, eroskeria, diru publikoen erabilera bidegabekoa, influentzia-trafikoak, iruzurra eta ordainarazpen ilegala edo hirigintza-delituak direla eta.

– Ez duela hartzekodunen konkurtso boluntarioa deklaratzeko eskaria egin, ez dagoela edozein prozeduratan kaudimengabetzat jota, ez dagoela hartzekodunen konkurtsoan deklaratura –konkurtso horretan hitzarmen bat indarrean jarri bada salbu–, ez dagoela epailearen esku-hartzearen mende edo uztailaren 9ko 22/2003 Konkurtso Legearen arabera desgaituta, hartzekodunen konkurtsoa sailkatzeko epaian finkatutako desgaitze-aldia oraindik amaitu gabe egonik.

– Ez duela eragin Administrazioarekin egindako ezein kontraturen amaiera irmoa, kausaren batean errudun deklaratu izateagatik.

– Pertsona fisikoak, merkataritza-sozietateen administratzaileak edo beste pertsona juridiko batzuen ordezkari direnak ez daudela egoera hauetakoren batean: Administrazio Publikoen Zerbitzuko Langileen Bataerazintasunei buruzko abenduaren 26ko 53/1984 Legean aurreikusitako bataerazintasunen araubideko egoeraren batean eta Kargu Publikodunen Jokabide Kodea eta Haien Interes Gatazkak Arautzen dituen ekainaren 26ko 1/2014 Legean aurreikusitako egoeraren batean. Edo ez daudela Hauteskunde Araubide Orokorren ekainaren 19ko 5/1985 Lege Organikoan araututako hautapen bidezko kargu batean, arau horretan edo gai hauek arautzen dituen arau autonomikoan ezarritakoaren arabera.

– Egoitza fiskala ez duela paradisu fiskaltzat hartutako herrialde edo lurralde batean.

– Egunean duela dirulaguntzak itzultzeko betebeharren ordainketa, Ekonomia eta Ogasuneko sailburuaren 2023ko otsailaren 13ko Aginduaren 4. artikuluan ezarritakoaren arabera (agindu hori Euskal Autonomia Erkidegoko aurrekontu orokorren kontura ematen diren laguntzen eta dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa da).

– Ez duela dirulaguntzak jasotzea galarazten dion zehapen-ebazpen irmorik, betiere bat etorritz lege honekin edo halakorik ezartzen duten beste batzuekin. Zehazki, ezingo dira onuradun izan sexuan oinarrituta diskriminatzeagatik edo emakumeen eta gizonen berdintasunaren arloko araudia ez betetzeagatik administrazio- edo zigor-zehapenen bat ezarri zaien pertsona fisikoak, dagokion zehapenean ezarritako denbora-tarte osoan.

– Betetzen duela Estatuko araudiaren arabera berdintasun-plan bat indarrean izateko betebeharra, bai eta sexu-jazarpena edo sexuan oinarritutako jazarpena prebenitzeko eta horri aurre egiteko neurriak ezartzekoa ere, emakumeen eta gizonen arteko berdintasunari buruzko Estatuko legeriak ezarritako baldintzetan, 50 langile baino gehiago dituzten enpresetan.

– Elkarteen kasuan, ez dagoela nahasita horiek elkartzeko eskubidea arautzen duen martxoaren 22ko 1/2002 Lege Organikoaren 5. eta 6. paragrafoetan ezarritako debekuen kausetan.

– Elkarteen kasuan, ez dagoela etenda, ez-zilegitasun penalaren zentzuzko zantzuak egoteagatik, entitate ordezkatuaren inskripzioa egiteko administrazio-prozedura, Elkartzeko Eskubidea Arautzeko martxoaren 22ko 1/2002 Lege Organikoaren 30.4 artikuluan xedatutakoari jarraikiz, betiere dagokion erregistroan inskripzioa egin daitekeela dioen ebazpen judizial irmorik ematen ez den bitartean.

– Ez duela jokatu LGBTIfobiaz, edo ez duela hura bultzatu edo sustatu, konbertsio-terapiak sustatzea edo egitea barne.

– Ez dagoela zigortuta Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legean edo Euskadiko Ingurumen Administrazioaren abenduaren 9ko 10/2021 Legean aurreikusitako arau-hauste astun edo oso astun batengatik, administrazio-bidean emandako ebazpen irmo baten bidez, zuzenketa-neurri egokiak hartu eta zehapena ordaindu arte.

– Hala badagokio, bete duela desgaitasuna duten pertsonentzat lanpostuak erreserbatzeko lege ezarritako kuota, eta bete ez badu, frogatu dela hura betetzeko neurri alternatiboak abian jarri direla.

– Fundazioen kasuan, estatutuak Euskal Autonomia Erkidegoko Fundazioei buruzko ekainaren 2ko 9/2016 Legean xedatutakora egokitu dituela, eta egokitutako estatutuak Euskal Autonomia Erkidegoko Fundazioen Erregistroan gordailutu dituela.

– Ez duela Enpresa-deslokalizaziorik egin, Dirulaguntzen Araubidea Erregulatzeko abenduaren 21eko 20/2023 Legearen 51. artikuluan ezarritakoaren arabera.

– Baimenduta egonik eskatutako laguntza bateragarria izatea jarduera beretarako aitortu edo ordaindutako beste laguntza batzuekin, ez duela gainfinantzaketarik, hargatik eragotzi gabe etorkizunean helburu bererako jasotzen dituen laguntzen berri ematea, laguntza likidatu arteko aldian.

– Hiru urteko aldian jasotako minimis laguntzek ez dutela gaintitzen Batzordearen 2023ko abenduaren 13ko (EB) 2023/2831 Erregelamenduan ezarritako 300.000 euroko muga (Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoa da erregelamendu hori), ez eta 40.000 euroko muga ere hiru zerga-ekitaldiko edozein alditan, Batzordearen 2014ko ekainaren 27ko (EB) 717/2014 Erregelamenduari jarraituz (Europar Batasunaren Funtzionamenduari buruzko Tratatuaren 107. eta 108. artikulua arrantza- eta akuikultura-sektoreko minimis laguntzei aplikatzeari buruzkoa da erregelamendu hori).

– Pertsona edo entitate eskatzailea ez dagoela berreskuratze-agindu baten mende, Europako Batzordeak aurretiaz erabaki badu laguntza bat lege kanpoko eta barne-merkatuarekin bateraezina dela.

– Enpresa mota: markatu dagokiona:

○ Enpresa ez dela enpresa txiki edo ertain bat, mikroenpresen eta enpresa txiki eta ertainen definizioari buruzko Batzordearen 2003ko maiatzaren 6ko 2003/361/EE Gomendioarekin bat.

○ Enpresa txiki edo ertain bat dela enpresa, mikroenpresen eta enpresa txiki eta ertainen definizioari buruzko Batzordearen 2003ko maiatzaren 6ko 2003/361/EE Gomendioarekin bat.

• Enpresaren kategoria:

○ ETE-mikroenpresa (10 enplegatu baino gutxiago; 2 milioi eurotik beherako urteko negozio-bolumena edo balantze orokorra).

○ ETE-enpresa txikia (50 enplegatu baino gutxiago; 10 milioi eurotik beherako urteko negozio-bolumena edo balantze orokorra).

○ ETE-enpresa ertaina (250 enplegatu baino gutxiago; 43 milioi eurotik beherako urteko negozio-bolumena edo balantze orokorra).

– Enpresaren kategoria, sozietateen gaineko zergan edo pertsona fisikoen errentaren gaineko zergan islatzen dena, ez dela aldatu.

– Bai/Ez, markatu dagokiona: eskabide honetaz gainera, behean ageri diren erakunde publikoei edo pribatuei laguntza eskatu diela, edo haien laguntza jaso duela proiektu honetarako; eta konpromisoa hartzen duela aurrerantzean ere proiektu honetarako aurkeztu dituen laguntza-eskabide guztien berri emateko:

Eskaera-data	Instituzioa	Programa	Eskatutako zenbatekoa	Emandako laguntza	Minimiserako zenbatzen du (Bai/Ez)

Enpresaren datuak:

- Egoitza fiskala.
- Jarduera nagusia eta lortutako produktuak.
- Erabilitako lehengaiak.
- Sustatutako produktua.
- Enplegatu kopurua, sexuka.
- Jabe kopurua, sexuka.

Sustapen-proiektuaren datuak:

- Diruz lagundu daitezkeen ekintza motak.
- Eskatutako eta egin beharreko jarduerak.
- Ikus-entzunezko katalogo eta materialak.

– Egiazkoak eta dauden guztiak dira eskabide honetako datuak eta aurkeztu dudan dokumentazioa, eta neure gain hartzen dut horrek dakarren erantzukizuna.

– Elikagaien Politika eta Industriako Zuzendaritzari baimena ematen diot / ez diot baimena ematen zerga-betebeharrak eta Gizarte Segurantzarekiko ordainketak egunean ditudala egiaztatzen duten ziurtagiriak automatikoki egiazta ditzan; egiaztapen horren aurka agertuz gero, ziurtagiri horiek aurkeztu beharko dira.

Datu pertsonalak tratatu egingo dira, eta tratamendu-jarduera honetan sartuko dira: Elikagaien kalitate eta sustapenaren arloko laguntzak.

– Arduraduna: Elikagaien Politika eta Industriako Zuzendaritza (Elikadura, Landa Garapen, Nekazaritza eta Arrantza Saila).

– Helburua: Elikagaien Politika eta Industriako Zuzendaritzaren laguntzen, beken eta I+Garen jarraipena, kontrola eta kudeaketa.

– Legitimazioa: tratamendua beharrezkoa da interes publikoaren izenean eginkizun bat betetzeko edo tratamenduaren arduradunari esleitutako botere publikoak baliatzeko.

– Hartzaileak:

- Euskal Autonomia Erkidegoko beste organo batzuk.
- Nekazaritza eta Arrantzako Estatistika Ofizialen Zerbitzua (SEAS). Organismo ordaintzailea.
 - Eskubideak: eskubidea duzu datuak irispidean izateko, zuzentzeko eta ezerezteko, bai eta informazio gehigarrian adierazitako beste eskubide batzuk ere.
 - Informazio gehigarria: datuen babesari buruzko informazio gehigarria eta xehatua kontsultagai dago webgune honetan: <https://www.euskadi.eus/informazio-klausulak/web01-sedepd/eu/gardentasuna/001400-cap2-eu.shtml>
 - Araudia:
- Datuak Babesteko Erregelamendu Orokorra (https://www.euskadi.eus/contenidos/informacion/20161118/eu_def/adjuntos/rgpd_2016R0679-es-eu.pdf).
- 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa (https://www.boe.es/boe_euskera/dias/2018/12/06/pdfs/BOE-A-2018-16673-E.pdf).

IV. ERANSKINA

A) Eskabidearekin batera aurkeztu beharreko dokumentazioa.

Urriaren 1eko 39/2015 Legearen 14. artikulua 2. paragrafoetan a), b), c) eta d) letretan adierazitako pertsonak:

– Ahalordetze-eskritura.

– Erakundearen eratze-eskritura eta estatutuak, dagokion erregistroak zigitatuta.

– Zerga-betebeharrak eta Gizarte Segurantzarekikoak beteta dituela egiaztatzen duen ziurtagiria, baimen hori berariaz ukatu bada soilik.

– Eskabidea aurkeztu den ekitaldiaren aurrekoari dagokion sozietateen gaineko zergaren kopia.

Antolakunde/talde/kooperatiben kasuan, etab.:

– Bazkideen zerrenda, sexuka, boto-ehunekoarekin.

– Zuzendaritza-organoaren osaera, sexuka, boto-ehunekoarekin.

Pertsona fisikoak:

– NANaren kopia, baldin baimena berariaz ukatu badu eskatzaileak.

– Zerga-betebeharrak eta Gizarte Segurantzarekikoak beteta dituela egiaztatzen duen ziurtagiria, baimen hori berariaz ukatu bada soilik.

– Pertsona fisikoen errentaren gaineko zergaren kopia, eskaera aurkeztu den dataren aurreko ekitaldiarena.

– Eskaera aurkeztu den dataren aurreko ekitaldiari dagokion ekonomia-jardueren eranskina.

Eskatzaile guztiak:

– Hirugarrenen alta-agiria, azken bost urteetan ez bada Eusko Jaurlaritzaren dirulaguntzarik jaso.

– Eskatutako jarduera bakoitzaren «fitxa-txostenak» betetzea, laguntza honen web-helbidean eskuragarri dauden ereduak arabera.

– ETEa dela egiaztatzen duen dokumentazioa:

Edonola ere, Elikagaien Politika eta Industriako Zuzendaritzak laguntza-eskabidea egoki ulertu, ebaluatu eta izapidetzeko beharrezkoak iruditzen zaizkion bestelako argibide edo agiri osagarriak eskatu ahal izango dizkio eskatzaileari.

B) Ordainketa-eskabidean egikaritutako gastua justifikatzeko aurkeztu beharreko dokumentazioa.

Egindako sustapen-jarduera bakoitzeko, honako hauek jasoko dituen pdf fitxategi bat aurkeztuko da:

– Egin den jarduera deskribatzen duen fitxa-txosten bat.

– Jarduera justifikatzeko, egin diren gastuen fakturak eta ordainagiriak:

- Ordainketa-agiria faktura bakoitzari atxikita egon beharko da beti.

- Ordainketa dibisetan eginez gero, justifikazio-agirian zehaztu beharko da kanbio-tasa.

- Hegaldietan, faktura + ordainketa-egiaztagiria + hegazkineratzeko txartela. * Hegaldien ordena kronologikoaren arabera eskaneatu behar dira hegazkineratzeko txartelak.

- Diruz lagundu daitezkeen jarduerak gauzatu izanaren egiaztagiri osagarriak: bileren agenda, material grafikoa eta argazkiak, prentsa-oharrak, dastaketa-koadernoak, eskuorriak edo kartelak, bezeroekin, banatzaileekin edo inportatzaileekin izandako posta-trukea eta abar.

Dirulaguntzen Erregelamendu Orokorraren 72. eta 73. artikuluetan ezarritakoa bete beharko dute fakturek.

Edonola ere, Elikagaien Politika eta Industriako Zuzendaritzak laguntza-eskabidea egoki ulertu, ebaluatu eta izapidetzeko beharrezkoak iruditzen zaizkion bestelako argibide edo agiri osagarriak eskatu ahal izango dizkio eskatzaileari.

V. ERANSKINA

DIRULAGUNTZEI BURUZKO AZAROAREN 17KO 38/2003 LEGE OROKORRAREN 13.3 BIS
ARTIKULUAN EZARRITAKO ORDAINKETA-EPEAK BETETZEN DIRELA EGIAZTATZEKO
DOKUMENTAZIOA (DIRULAGUNTZEN ARAUBIDEA ERREGULATZEKO ABENDUAREN 21EKO
20/2023 LEGEAREN 13.5 ARTIKULUAK IGORTZEN DU HARA)

Onuradunaren izaera lortzeko, Merkataritza-eragiketetan berankortasunaren aurka borrokatzeko neurriak ezartzen dituen abenduaren 29ko 3/2004 Legea aplikatzen zaien pertsona fisikoek eta juridikoek (zuzenbide publikoko entitateak ez beste guztiek), irabazi-asmoa duten heinean, egiaztatu egin beharko dute betetzen dituztela lege horretan ezartzen diren ordainketa-epeak, Dirulaguntzei buruzko azaroaren 17ko 38/2003 Lege Orokorraren 13.3 bis apartatuan xedatutakoaren arabera.

Betetze-maila egiaztatzeko, frogagiri hauek aurkeztu ahal izango dira:

a) Kontabilitateko araudiaren arabera galdu-irabazien kontu laburtua aurkeztu dezaketen pertsona fisikoek eta pertsona juridikoek abenduaren 29ko 3/2004 Legean ezarritako ordainketa-epeen betetze-mailara iritsi direla adierazten duen ziurtagiria aurkeztu dezakete, ordezkaritza-ahal nahikoa daukan administrazio-organoak edo haren baliokideak izenpetuta.

Horrez gainera, ondoko b) letran ezartzen diren frogabideak ere erabil ditzakete hori egiaztatzeko, beren araudia betez gero.

b) Kontabilitateko araudiaren arabera galeren eta irabazien kontu laburtua aurkeztu ezin duten pertsona juridikoek hauetako bat aurkeztu dezakete:

1.– Kontu Auditoreen Erregistro Ofizialean inskribatuta dagoen auditore batek sinatutako ziurtagiria, zeinean banakatuta agertuko baita ikuskatutako azken urteko kontuen memorian azaltzen diren ordainketei buruzko informazioa, baldin eta kontu horien arabera abenduaren 29ko 3/2004 Legean ezarritako ordainketa-epealdien betetze-mailara (apartatu honetan ezarritakora) iristen bada, abenduaren 29ko 3/2004 Legea aldatzen duen uztailaren 5eko 15/2010 Legearen hirugarren xedapen gehigarrian eskatzen den informazioari kasu eginez.

Ziurtagiri hori hurrengo ekitaldiaren urteko kontuak ikuskatu arte izango da baliozkoa.

2.– Aurreko zenbakian aipatzen den ziurtagiria ezin bada egin, Kontu Auditoreen Erregistro Ofizialean inskribatuta dagoen auditore batek egindako «Adostutako prozedurei buruzko txostena», zeinaren bidez, erreferentziako data batean sozietatearen hornitzaileei ordaindu gabe dauden fakturen lagin adierazgarrian oinarrituta, ondorioztatzen baita abenduaren 29ko 3/2004 Legean ezarritako ordainketa-epealdiak bete direla, inolako salbuespenik gabe, edo, salbuespenak antzemanaz gero, apartatu honen azken paragrafoan eskatzen den betetze-mailara iristea ez dutela eragozten.

Dirulaguntzei buruzko azaroaren 17ko 38/2003 Lege Orokorraren ondorioetarako, ordainketa-epeak betetzeko baldintza bete dela ondorioztatuko da, baldin eta abenduaren 29ko 3/2004 Legean ezarritako ordainketa-epealdien betetze-maila Enpresen sorkuntzari eta hazkundeari buruzko irailaren 28ko 18/2022 Legearen azken xedapenetako seigarrenaren d) letraren bigarren apartatuan ezartzen den ehunekoa bada gutxienez.